

აჭარის

საინფორმაციო ბიულეტენი N5
2020 წლის ნოემბერი

დაბებისა და სოფლების წყალმომარაგებისა და წყალარინების პროგრამა

გენდერული უთანასწორობა მიიჩნევა ერთ-ერთ უმთავრეს დაბრკოლებად თანამედროვე და სამართლიანი საზოგადოების ფორმირების გზაზე. მთელს მსოფლიოში, განსაკუთრებით კი საქართველოში, კვლავ შეზღუდულია გოგონათა და ქალთა როლი და მათი საზოგადოებრივი ჩართულობა ხშირად არ არის გარანტირებული.

გაეროს განვითარების პროგრამის გენდერული თანასწორობის ინდექსის მიხედვით საქართველო საკმაოდ არასახარბიელო პოზიციას იკავებს მეზობელ ქვეყნებთან შედარებით (75-ე ადგილი გამოკვლეული 162 ქვეყნიდან). შესაბამისად, სოფლების წყალმომარაგებისა და წყალარინების პროგრამის წარმატებით განხორციელებისთვის, უმნიშვნელოვანესია გენდერული საკითხების შესახებ ინფორმირებულობა და ქალთა და გოგონათა აქტიური ჩართულობა პროგრამის ყველა ეტაპზე. უფრო კონკრეტულად, აღნიშნული გულისხმობს, სოფლის მოსახლეობასთან კომუნიკაციისას მდებარეობითი სქესის წარმომადგენლების ჩართულობაზე განსაკუთრებული აქცენტის გაკეთებას, რათა თავიდან იქნას აცილებული პროგრამასთან დაკავშირებულ საკითხებზე მხოლოდ მამაკაცების თვალსაზრისის გათვალისწინება. ამასთან, გენდერული საკითხების სწორი ტენდენცია გამოიყენება სხვადასხვა კონცეფციის ჩამოყალიბების პროცესში, მაგალითად, მუნიციპალური კომპანიების ფორმირების მიმართულებით, სადაც სამომავლოდ კომპანიის დაკომპლექტებისას გათვალისწინებულია ქალთა 50%-ანი კვოტა. გარდა ამისა, ნახალისებულია აქტიური ურთიერთობა ადგილობრივ ორგანიზაციებთან ქალთა უფლებებისა და თანასწორობის საკითხებში.

წარმოდგენილი საინფორმაციო ბიულეტენი ეხება გენდერული თანასწორობის შესაბამისობას პროგრამის განხორციელებასთან. ამ ბიულეტენში ასახული ფოტოები აჩვენებს გენდერულ თანასწორობასთან დაკავშირებულ მოვლენებს პროექტის ფარგლებში.

დამატებით, წარმოდგენილი იქნება ამონარიდი ქალთა ოთახის მენეჯერ თვა შარაშიძისაგან აღებული ინტერვიუდან, რომელიც ქედის მუნიციპალიტეტში ქალთა უფლებებისა და თანასწორობის ხელშეწყობის მიმართულებით მუშაობს. ინტერვიუს მიზანი იყო აჭარაში ქალის როლის გააზრება და იმის განხილვა, თუ როგორ შეიძლება ისინი აქტიურად იყვნენ ჩართულნი წყალთან დაკავშირებულ პროექტებსა და ინიციატივებში.

ქალთა ოთახს მნიშვნელოვანი წვლილი შეაქვს ქედის მუნიციპალიტეტში ქალთა გაძლიერების საქმეში და შესაძლებლობას აძლევს მათ ისარგებლონ ისეთი მუნიციპალური მომსახურებებით როგორცაა ... ? გთხოვთ, მოკლედ მოგვიყვით ქედის ქალთა ოთახის ღონისძიებებისა და აქტივობების შესახებ.

ქალთა ოთახი ქედის მუნიციპალიტეტის განსაკუთრებული პროგრამაა, რომლის მიზანია ქალთა სამართლებრივი და ეკონომიკური მდგომარეობის გაუმჯობესება. იგი აქტიურად უწყობს ხელს ქალებს, რომლებიც აპირებენ სტარტაპების დაფუძნებას, ასევე ქალებს, რომელთაც უკვე აქვთ ბიზნესი, მათი გაძლიერების მიზნით. ქალთა ოთახის მომსახურებით ისარგებლობა შეუძლია ნებისმიერ ქალბატონს ქედის მუნიციპალიტეტში.

ქალთა ოთახის რა აქტივობები არის მიმართული ქალთა გაძლიერებაზე წყალმომარაგების მიმართულებით?

ჩვენ მონაწილეობა მივიღეთ არასამთავრობო ორგანიზაციების მიერ განხორციელებულ წყალთან დაკავშირებულ სხვადასხვა პროგრამებში. ერთ-ერთ პროგრამაში მონაწილეობა მივიღეთ სოფლების აქტიური შერჩევის პროცესში, რომლებიც წყალმომარაგების სისტემის ბენეფიციარები გახდებოდნენ. ამისათვის ჩვენ ვანარმოეთ გამოკითხვა ადგილობრივი ქალების ჩათვლით, რომლებიც გამოავლენდნენ წყლის ხელმისაწვდომობასთან დაკავშირებულ პრობლემებს.

სუფთა, სასმელ წყალსა და მდგრადი წყალარინების სისტემებზე წვდომა ერთ-ერთი მთავარი პრობლემაა მსოფლიოში. როგორ ფიქრობთ, აწყდება თუ არა მოსახლეობა აღნიშნულ პრობლემას თქვენს მუნიციპალიტეტში, ქედაში?

დიახ, ქედაში მოსახლეობა წყალთან დაკავშირებული პრობლემების წინაშე დგას, მიუხედავად იმისა რომ, ყველა სოფელში განსხვავებული მდგომარეობაა. გარკვეულ სოფლებში მუნიციპალიტეტმა ააშენა რეზერვუარები, მაგრამ არაა დაცული სტანდარტები. სოფლების ნაწილში წარმოდგენილია წყალმიღების ობიექტები, რეზერვუარები და დამაერთებელი მილები, მაგრამ არ ხდება ფილტრაცია და ქლორირება. ასევე პრობლემას შეიძლება წარმოადგენდეს ღია სეპტიკური ავზები და გაუმართავი საპირფარეშოები.

წყალთან დაკავშირებული საქმეები სოფლებში, განსაკუთრებით საოჯახო სარგებლობის თვალსაზრისით, ძირითადად ქალების ხელშია. მიუხედავად ამისა, როცა საქმე წყლის ინფრასტრუქტურის გაუმჯობესებასთან დაკავშირებული გადაწყვეტილების მიღებას ეხება, ქალები ნაკლებად არიან ჩართულნი პროცესში. რატომ ხდება ასე და როგორ შეიძლება მდგომარეობის შეცვლა?

როცა საქმე წყალს, ბუნებრივ აირს, ტყის საკითხებს შეეხება, სოფელში ყველა, ადმინისტრაციის უფროსი დაწყებული, სოფლის გამგებლით დამთავრებული, ფიქრობს, რომ ეს კაცის საქმეა. ქალთა შორისაც კი ფართოდ არის გავრცელებული მსგავსი დამოკიდებულება: თუკი წყალთან დაკავშირებული პრობლემა წარმოიქმნება, კაცი უნდა გავიდეს და გაუმკლავდეს მას.

აჭარის სოფლების წყალმომარაგებისა და წყალარინების პროგრამის ფარგლებში, პროექტის თითოეული სოფლისთვის შეიქმნა ე.წ. საინიციატივო ჯგუფები. საინიციატივო ჯგუფები ჩაერთვებიან პროგრამასთან დაკავშირებული გადაწყვეტილებების მიღების პროცესებში და მოგვიანებით, სამუშაოების დასრულების შემდეგ, ჩაერთვებიან ექსპლუატაციისა და უზრუნველყოფის სამუშაოებში. როგორ ფიქრობთ, რა ნაბიჯები უნდა გადაიდგას ამის მისაღწევად?

პირველ რიგში, უნდა ჩატარდეს შეხვედრები ქალებთან თითოეულ სოფელში, სადაც სისტემების რეაბილიტაცია იგეგმება. ვინაიდან სასმელი წყლისა და სანიტარიის შესახებ ინფორმირებულობისა და ცოდნის დონე დაბალია, მათთვის რთულია გაიაზრონ წყალთან დაკავშირებული საფრთხეები. აუცილებელია მათ დეტალური ინფორმაცია მიეწოდოს პროგრამის შესახებ და განემარტოს, თუ როგორ შეიძლება ქალებმა, მამაკაცებმა და ბავშვებმა თანაბრად ისარგებლონ აღნიშნულით. ინფორმირებულობა არის უმთავრესი.



ზოგადი ინფო ნებისმიერი საინფორმაციო ბიულეტენისთვის

აჭარის დაბებისა და სოფლების წყალმომარაგებისა და წყალარინების პროგრამა თანადაფინანსებულია გერმანიის ფედერაციული რესპუბლიკის მიერ, KfW ბანკის მეშვეობით და ევროკავშირის მიერ. პროგრამა მიზნად ისახავს აჭარის ყველა მუნიციპალიტეტში შეიქმნას თანამედროვე სტანდარტების წყალმომარაგებისა და წყალარინების სისტემები.

აჭარის დაბებისა და სოფლების წყალმომარაგებისა და წყალარინების პროგრამას სს „აჭარის წყლის ალიანსი“ ახორციელებს. პროგრამა მნიშვნელოვან წვლილს შეიტანს სოფლის მოსახლეობის ცხოვრების ხარისხის, ზოგადი ჰიგიენისა და ჯანმრთელობის გაუმჯობესებაში. პროგრამა უზრუნველყოფს გარემოს დაცვას ჩამდინარე წყლებით დაბინძურების თავიდან არიდების გზით. ასევე, თავიდან იქნება არიდებული ნიადაგისა და წყლის რესურსების დაბინძურება გაუნაწილები ჩამდინარე წყლების ჩაშვებით.

აჭარის დაბებისა და სოფლების წყალმომარაგებისა და წყალარინების პროგრამა, თვისებრივად პირველია საქართველოში რომელიც წყლისა და წყალარინების ინფრასტრუქტურის განვითარების ორგანიზებას ახდენს რეგიონის სოფლებში.



ეს საინფორმაციო ბიულეტენი შექმნილია ევროკავშირის და გერმანიის რეკონსტრუქციის ბანკის მხარდაჭერით. მის შინაარსზე სრულად პასუხისმგებელია სს „აჭარის წყლის ალიანსი“ და შესაძლოა, რომ იგი არ გამოხატავდეს ევროკავშირის და გერმანიის რეკონსტრუქციის ბანკის შეხედულებებს.